

A S C.

5136.





C. 5136.

S. URSULA
REGINA UNDECIM MIL-
LIUM VIRGINUM.



DVM MORTIS VENIT
HORA:
SVBVENI SINE MORA.

**Bayerische
Staatsbibliothek
München**



EPISTOLA DEDICATORIA.



TOLIM ADE-
 quitanti im-
 proviso Artaxerxi, rusti-
 canus nescio
 quis, è præ-
 terfluente Cyro haustam ma-
 nibus lympham; alius item
 ingens in vanno malum pu-
 nicum obtulerunt; Ita ego
 nunc Vobis Amplissime Præsul,
 Admodum RR. di RR. mi Patres,
 exiguum hoc URSULANUM

Officiū , ac Lytānias chartaceo velut in campo, offero, consecroque , xēnij, & strenæ felicissimæ loco. In eis quidem , tanquam in areolis invenietis id , cuius odore, ac virtute in mortis exitu armari , lætificari, recreari possitis. Ex utriusque etiam (Officio & Lytanijs,) non pænitendos fructus reportabitis : Dum laborum Sanctorum , quos ubique ad DEI, proximique honorem, & utilitatem impenditis, charissimos manipulos , omnigenosque flores suavissimos Virgineæ Matri, ac Vrsulanis

nis Ss. Virginibus , Pancarpas pangetis Corollas :
queis àllectæ, attractæ, evocataeque; Vobis præsto esse cogantur in ultimâ lineâ Vitæ.

Denique ut eximiam Reverendissimæ Patris Vestræ, & Admod. RR. PP. VV. in Deum, ejusque Matrem, ac Sponsas undecim mille Virgines pietatem (Orbi toti notam) augebitis : ita exitus vestri paratissimas Auxiliatrices, (Numine concedente) sentietis.

Hoc itaque Amplissime Præsul, Admod. RR. di RR. mi PP. candidum sinceri erga Vos

animi monimentum , & X e-
niolum boni consulite : non
timeo ne ingratum sit, cum
è cœlo , non Cyro fluxerit.
Quos ut Dominus Exerci-
tuum , Princeps Pacis , &
Sponsus Virginum , in vitâ
diuturnus per annos prospe-
ret , æternumque demum
coronet , opto , voveoque.
*In Monasterio nostro Murensi Ka-
lendis Ianuarij , M. DC. LXXX.*

Rev. & Ampl. Patris

ac

Admod. RR. PP. VV.

Filius & Confrater indignus.

P. L. H.

PRÆ.



PRÆFATIO AD
LECTOREM.

EXCLAMANTEM AUDIO
(Lector Candide) Scripto-
rem vitæ B. V R S V L Æ.
Glorietur superna Ierusa-
lem, & cælestis illa Curia, tot in-
genuis Civibus ampliata, ubi non
est servus, aut liber, masculus, aut
fæmina. Glorietur Britannia,
quamvis in Adam generans, Virgi-
neæ tamen indolis fæcunda. Glo-
rietur Germania, tot lætissimos
Oceani flores excipiens. Glorietur
Roma, numerum Virginum, quam
acceperat reddens. Glorietur Co-

A 5 lonia,

lonia , talem apud se Theſaurum
retinens. Glorietur Beata illa
Sanctimonialium Congregatio , tot
Sanctarum Virginum , quibus de-
votè ſamulatur , patrocinijs de per-
petuâ ſalute præſumens. Glorie-
tur omnis Sancta Dei Eccleſia, tan-
tarum Virginum decorata Cineri-
bus, Hæc , inquam dum inaudio,
& ego cum B. Hermanno exclama-
re cogor : Glorietur & noſtrum Mu-
renſe Monasterium , de ipſâ V R-
S V L A Beatiffimâ Virgine , &
Mart. Inſigni particulâ : Ejusdem
Cognati Regis DAGOBERTI , &
EUPHROSYNÆ Virginis venera-
bili Capite : Nec non pluribus de
eadem Societate Ss. Virginum , &
Mar-

Martyrum , Ss. Reliquijs , decora-
tum. Quorum patrocinijs de per-
petuâ salute præsumimus. Hæc ,
Benigne Lector , me movent , ut hoc
Opusculum , cum superiorum meo-
rum Licentiâ , ad augendam sa-
crarum Vrsulanarum Virginum ho-
norem , & devotionem , Typi be-
neficio proponerem.

Officium vero hoc parvum excepi
de scriptis B. Hermannii Steinfel-
densis Religiosissimi , notæque San-
ctitatis viri Ordinis Præmonstra-
tensis. Inter cujus libros eminet
secundus Genealogicus : in quo cla-
rissimè totius ferè Christiani Orbis
Politicus , & Ecclesiasticus status ,
congruenter sacræ , profanæq;
A 6 tem-

temporis historiæ, velut in tabulâ
 pictus exhibetur. nomina Episcoporum,
 Regum, Principumq; Virorum,
 ac sexcentarum ferè præcipuarum
 Virginum, conserta nec
 titulis centum, & pluribus annis
 post è tumulis erutis, recensentur,
 ortus earum, patriæ, genus, agnationes,
 Officia, virtutes, & mores
 earum accurate describuntur, ut
 non præterita narrare, sed præsentia
 quasi Lectoris oculis subijcere
 videntur. Ibi Virgines non solum
 aspectabiles eum alloquuntur familiariter
 sed & nomina sua pandunt,
 invitant ad scribendum, materiam
 quandoq; & verba scribenti
 suggerunt, dubia passim occurr-

*currentia dissolvunt , cavent moni-
tis , ne subrepat error ; invitum
etiam , ac renitentem ad pergen-
dum mira suavitate cogunt , ut me-
rito è cælo derivatus dici possit.*

*In hoc eodem libro continetur Iu-
bilus , seu Officium de Ss. Vrsula-
nis Virginibus , quod incipit : O
vernantes Christi Rosæ &c.
qui Iubilus in libris & opusculis B.
Hermanni diligenter asservatur
Steinsfeldiæ vulgatus post vitam
ejus à venerabili Abbate Chryso-
stomo. Vocat ibidem Ss. Virgines
Columbellas : Fuitq; Colonia se-
pulchro Sanctæ VRSVLÆ à ducen-
tis annis affixus.*

*Sed de eâ , quam dixi familiari-
tate*

tate cum cælitibus, & his sacris Vir-
ginibus, ne mira videatur, & inu-
sitata, vitæ coævum scriptorem au-
diamus, è quo discemus cum alia
complura præter dicta ad Cultum
VRSVLANVM augendum auxilio
Virginum litteris consignasse.

Nunc, ait, ad illas revelationes
mirabiles, & jucundas quas ip-
sum de B. VRSVLA, & Comiti-
bus ejus habuisse cognovimus, ma-
num, cum animo pariter adverta-
mus, videbimusq; manifestè, quod
etiam in continuis tribulationibus
jucunditatem, & exultationem
thesaurizaverit super illum, &
nomine æterno hæreditaverit illum
Dominus DEVS noster. Tantum
cir-

circa has Domini Virgines speciosas
 felix Ioseph (hoc enim etiam nomine
 vocabatur Ioseph Hermannus) af-
 fectum conceperat , ut illum signis
 evidentibus satis aperire non posset,
 tantâ illis familiaritate , & ani-
 mi puritate fuit connexus, ut mul-
 ta per illas secreta cognosceret,
 & aliquæ illi sua nomina revela-
 rent , & in suis cum tribulationi-
 bus solarentur. Vt ergo intimum
 circa has sacras Virgines affectum
 comprobaret, novi cantus historiam
 in illarum honorem componere con-
 stituit : Cumq; admovisset dexte-
 ram ad scribendum : Ecce una Vir-
 ginum ei evidenter apparuit , &
 stans coram illo , quid scripturus
 esset.

esset, benignissimè, & familiarissimè informavit. Quin etiam columbam pulcherrimam super humerum suum residere conspexit, quæ rostrum suum dictantis auriculæ incessanter infixit. Hanc quoq; unam esse de numero Sanctarum Virginum intellexit; unde & postea totam illam Sodalitatem, nec non omnes Virgines Domino devotas columbellas vocare, quasi nomine usitato consuevit. Sed cum melodiam historiæ jam conscriptæ (quod majoris difficultatis erat) deberet componere, quotiescunq; ad hoc animum applicabat, non parvum Virginum Chorum super se in aëre audire consuevit,

con-

concontinentem cum jucunditate cælesti, talem, quæ verbis conscriptis, competeret melodiam.

Hoc quoq̃, quia quorundam fidem, cum difficultate merebitur, me ex ore ipsius (qui de se mentiri non potuit) gaudeo audivisse. Nam cum multo post tempore solus cum solo familiariter consedissem, cæpi quasi jocando præsumptuosum vocare, qui historiarum auderet componere melodias, quod etiam peritissimis artis musicæ difficile videretur, coactus mihi scandalum tollere, & sibi falso impositum præsumptionis vitium excusare, celatam eatenus mihi aperuit veritatem. Non ego, inquit, hanc solus com-

composui melodiam , sed sacræ mihi fuerunt auxilio Columbella. Et cum modum hujus admirandæ compositionis, ac revelationis inquirerem ; cum post dictamen , inquit , verborum historiæ, sollicitus de melodiâ meo me lectulo reclinassem , Chorus Virginum super me in aëre congregatus , ipsam mihi præcinuit melodiam ; quam ego sicut ab ipsis didici , verbis subscriptis studui adnotare. Cui ego : hoc , inquam , frivolum videtur, & fictum , ut quisquam , quantuncq; ingenij taliter auditam à continentibus melodiam possit memorariæ , & postea scripto commendare. Ille vero volens omnino satisfacere-

facere dubitanti, admirationem meam, majori admiratione dissolvit: ait enim. Quotiescunque me illarum concentum contigit oblivisci, & mandare scripturæ alias notas quam audirem, Illæ super me iterum, & iterum, & multis vicibus redeunt, illas notas quas oblivioni tradideram, tam diu, & toties repetere minimè destiterunt, donec meæ perfectè imprimerentur memoriæ, & meum errorem abaderem, & scripto, quod ipsæ docuerant, integrè commendarem. Solebat autem quædam verba ejusdem historiæ cum melodiâ suâ nobis sæpius recitare, quæ concinendo doctrices suas dixit tantâ alacritate

te motas , eas cum tantâ hilaritate multoties asseruit repetiſſe , ut & ipſe hæc nobis refferens, mirâ jucunditate, & oris, & animi moveretur. Hæc ad verbum ex ſcriptore vitæ B. Hermanni, c. 29.

Eadem confirmat Raſo ; Qui capiti talem præfigit titulum. S. VRSVLAM cum Sodalibus ſociam in opere habet. Deinde iſta ſubnectit. Et ne quid omitteret eorum , quæ ad Virginum pertinerent cultum ; voluit ante alias Virginum ſacrarum Principem venerari S. VRSVLAM , ut de ejus trophæis nova quædam excuderet carmina. Coegit illum , ut fit, amor , quod nec ars , nec natura præſta-

præstare poterat. Operis igitur difficultate presso, sanctis conatibus non defuere invocatae Virgines; una enim præter cæteras venustate quadam egregiâ sese operi junxit, & quod ille jam pectore conceperat, hæc melius suggessit; Si quid humanâ, ut sit oblivione memoriam fugeret, toties repetijt, donec ex sententiâ rem omnem confecisset, scriptoque mandasset. Numeros præterea aptavit materiæ Virgo Sancta, ita ut jam frater noster, Notarij potius partes ageret, quam dictantis. Ita Raso. Idem affirmat tractatus alter de vitâ ejus succinctior, subjectus proluxiori à suppare conscriptus. Ex quo sequentia lego.

go. Sed neq̃ hic ad præsens explicare propono, quantum dilexerit, quantumque honoraverit Virgines Sacram VRSVLAM, & Sodales ejus; Quantis revelationibus earum fuerit consolatus; Quomodo cum ad laudem earum historiae verba composuisset, ipsis docentibus, & præcinentibus, totius per historiae verba composuisset, ipsis docentibus, & præcinentibus, totius pene historiae melodiam didicerit; & quædam etiam Virginum nomina sua, ipsi dignatæ fuerint revelare.

En hoc est Candide Lector, quod te præmonere volui hac trinâ trium Testium confirmatione, ut eo minus dubitares, gratiosiusq̃ recipe-
res

res hanc Orationem , Devotionem-
que erga Magnificam DEI Matrem,
& Ss. Vrsulanas Virgines , quo cer-
tius Tibi constaret , eam non aliun-
dè , quam ex Scholâ , & Oratorio
Cœlesti profluxisse. Preces istæ
Virgineæ erant B. Hermannî Præ-
monstratensis Ord. Iubilus, quo Ss.
Virginibus & Sponsis Christi , de
earum ineffabili gloriâ congratula-
batur , ijsq; quàm festivè congau-
debat. Eundem verò per horas
aptè distributum , Officij instar, &
in Belgio piè tali ratione solitum
recitari, Tibi ex Historiâ Vrsulana
Religiosissimi ac Doctissimi Patris
Hermannî Crombachij ad oran-
dum , utendumq; offero : Vt si for-
san

san placuerit , tempusq; arriſerit ,
 hoc etiam diurno penſo tot millia
 Virginum piè vinceris ; Quod
 facies cum ſingulari fructu feliciſ
 mortis impetranda. Vale , &
 fruerere eo , quòd ad ſolam glo-
 riam DEI , magnæ ejusdem Ma-
 tris, & Ss. VRSVLANARVM
 Virginum, utilitatemq; Tuam
 Soli , & typis manda-
 tum eſt.





OFFICIUM

SANCTISSIMÆ

URSULÆ

ET SOCIARVM UNDE-

CIM MILLIUM

VIRGINUM.

AD MATVTINVM, ET

LAVDES.

DOMINE labia mea aperies : Et os meum annuntiabit laudem tuam.

B

DEUS

DE u s in adiutorium meum
intende , Domine ad ad-
juvandum me festina.

Gloria Patri & Filio , & Spi-
ritui Sancto : sicut erat in
principio &c. Alleluja :
vel post Septuagesimam :
Laus tibi Domine Rex æ-
ternæ gloriæ.

H Y M N V S.

O Vernantes Christi Ro-
sæ ,

Supra modum speciosæ ,

O ridentes Margaritæ ,

Diligenter exquisitæ ,

Eleganter expolitæ ,

Advenite , me audite ,

In servum me suscipite.

Ego

Ego pauper , atquè talis,
 Ut sim vester specialis,
 Vestro fervens in amore,
 Vestro fiat cum favore ;
 Dum vos oro, vel honoro,
 Gratum vestro sit in Cho-
 ro ,

Et vicem quæso reddite.
 O puellæ ! O Agnellæ !
 Christi charæ Columbællæ,
 Sine dolo , sine felle,
 Cœli stellæ , DEI cellæ,
 Jubilate Purpuratæ ,
 Coronatæ , conregnate
 Cum Agno Innocentiæ.
 Gloria Patri & Filio , & Spi-
 ritui Sancto : sicut erat
 in principio &c.

ANTIPHONA.

Sanctæ undecim mille Virgines , acceperunt oleum in vasis suis cum lampadibus : media autem nocte clamor factus est : Ecce Sponsus venit , exite obviam Christo Domino.

℣. Tunc surrexerunt omnes Virgines illæ.

℞. Et ornaverunt lampades suas.

O R E M V S.

OMnipotens sempiterne Deus , qui Gloriosam ac Laudabilem Virginem, ac Martyrem tuam VRSULAM cum suo Collegio ineffabilibus

bus Privilegijs exornasti in
 terris, et inenarrabilibus gau-
 dijs decorasti in cœlis; præsta
 nobis per merita ipsius, ac So-
 dalium ejus tuæ propitiatio-
 nis abundantiam, ut quarum
 memoriam pio amore agi-
 mus in terris, & eorum me-
 ritis & precibus, præmia
 æterna consequamur in cœ-
 lis. Per Dominum nostrum
 Jesum Christum &c. Amen.

✠. Domine exaudi Oratio-
 nem meam.

R. Et clamor meus ad te ve-
 niat.

Benedicamus Domino. Deo
 gratias. Fidelium &c.

B 3 AD

AD PRIMAM.

DEUS in adiutorium, &c.
Gloria &c. Alle. &c.

HYMNVS.

O Quam estis vos securæ
Deo semper fruituræ,
Cum quo estis perman-
furæ,
Nunquam eo carituræ,
Quem videtis, quem te-
netis,
Qui vos ulnis stringit lætis
Serenâ ridens facie.
O Regina puellares,
Passione sancta pares,
Deo vos familiares,
Prædilectæ, singulares;
Nunc

Nunc florete, nunc gaude-
te,
Semper novæ, semper lætæ,
Festivum Chorum ducite.
Vos jucundæ Philomelæ,
Quarum turbæ sunt un-
denæ,
Sponsæ Dei, Deo plenæ,
Decantate laudem bene;
Virginales per Choreas,
Et Cælestes per plateas,
Jucundum carmen dicite.
Gloria Patri & Filio &c. Si-
cut &c.

ANTIPHONA.

Benedictus es Rex Gloriæ,
qui palmam Victoriæ, dedi-
sti fragilibus, & sexum sine

viribus vincere fecisti dæmo-
nis virtutem ; quarum pijs
precibus , nobis supplicanti-
bus , tribuas corporis , &
animæ salutem.

℣. Memento nostri Domine
in beneplacito Populi tui.

℞. Visita nos in salutari tuo.

O R E M V S.

DEus , qui ut humanum
genus ad Confessionem
tui nominis provocares, e-
tiam in sexu fragili victoriam
Martyrij contulisti : Præsta
quæsumus , ut Ecclesia tua
undecim millium Virginum,
de quarum Commemoratio-
ne lætatur , exemplo com-
moni-

monita , nec pati pro te me-
tuat , nec mundi blandimen-
tis succumbat ; sed cælestis
præmij gloriam concupiscat,
& compræhendat. Per Do-
minum nostrum &c.

Dominus vobiscum &c.

Benedicamus &c.

Fidelium animæ &c.

AD TERTIAM.

DEUS in adiutorium &c.
Gloria &c.

HYMNVS.

DAte voces in sublimi,
Angelorum Chori pri-
mi ,

Lo-

Locum dantes admirentur
 Jucundantes collætentur,
 Vestram novam melodiam
 Inauditam Harmoniam,
 Auscultet sancta Trinitas.
 O Dilectæ Conforores,
 Quarum nunquam mar-
 cent flores,
 Ipse sibi vos prævidit,
 Qui de valle vos præcidit,
 Vos elegit, vos collegit,
 Et in fertum sibi fregit,
 Pulcherrima divinitas.
 Te ô Turba generosa
 Præit illa florens Rosa,
 Sola Rosa principalis,
 Nec est ibi Rosa talis,
 Quæ sit sibi coæqualis,
 Ma-

Mater tota Curialis,
 Quæ tulit Cæli Dominum.
 Gloria Patri & Filio &c. Si-
 cut erat &c.

A N T I P H O N A.

O Flos campi & lilium
 convallium, Christe JEsu qui
 es sponsus, & Amator Virgi-
 num, quam jucundum est in-
 teresse tuo semper cōspectui,
 quem laudantes prosequun-
 tur virginales cunei, ubi dul-
 cis resonat melodia, Virgo
 VRSULA simul cum Thama-
 ria frequenter ingeminant :
 tibi Christe sit laus & Gloria.
 ✠. Adducentur Regi virgi-
 nes post eam.

R. Pro-

R. Proximæ ejus afferentur
tibi.

O R E M V S.

DEus qui nos in tantis pe-
riculis constitutos, pro
humana scis fragilitate non
posse subsistere: da nobis per
merita Ss. undecim millium
Virginum & Martyrum, sa-
lutem mentis & corporis, ut
ea quæ pro peccatis nostris
patimur, te adjuvante vinca-
mus. Per Dominum no-
strum. &c.

Domine exaudi &c. Et cla-
mor &c. Benedicamus
Domino &c. Fidelium
animæ &c.

AD

AD SEXTAM.

DEUS in adiutorium &c.
Gloria &c.

HYMNVS.

Ipsa est dilecta mea,
Vos præcedens in Cho-
reâ,

Cui nomen & Persona,
Suâ lucet in Coronâ;
Quam inscripsit DEUS Pa-
ter;

Hæc est illa DEI Mater,
MARIA Virgo Virginum.

Hæc vos præit cum honore,
Trahens suo vos odore:
Ferens signum vexillare,
Modulatur vobis clarè,

C Per

Per floreta , per roseta,
 Promit ipsa carmen læta,
 Cantantes subsequimini.
 Summas voces Angelorum,
 Omne melos Musicorum,
 Hæc suprema Philomela,
 Suâ vincit Cantilenâ ;
 Quam sequentes conde-
 center,
 Diligenter , & ardenter,
 Dilectum complectimini.
 Gloria Patri & Filio &c. Si-
 cut erat &c.

ANTIPHONA.

Sponsa Christi URSULA,
 cum tuâ Virginali Turmâ,
 Accede ad Thronum gloriæ,
 preces pro famulantibus tibi
 fun-

funde , ut ab hoste in hora
mortis liberemur sine morâ.

✠. Mirabilis DEus in Sanctis
suis.

℞. Ipse dabit virtutem , &
fortitudinem.

O R E M V S.

Auxilientur nobis Domine
Jesu Christe merita Ss.
Virginum , & Martyrum ut
in horâ mortis nostræ earum
protectione muniti , te mi-
serante laqueos inimici eva-
dere valeamus , quæ ob tui
nominis amorem sanguinem
suum fuderunt. Qui vivis
& regnas &c.

Domine exaudi &c. Et clamor &c. Benedicamus Domino &c. Fidelium animæ &c.

AD NONAM.

DEUS in adiutorium, &c.
Gloria &c. Alle.

HYMNVS.

Dulcis Sponsus qui vos
amat,

Sic ad vos de Throno clamat ;

O dilectæ Consodales,
Sponsæ meæ speciales,
Me videte, me habete,
Memetipsum possidete,
Sentite, perfruimini.

Per

Per me ipsum vos complector
 Et in vobis condelector,
 O victrices, ô felices!
 Meæ Charæ dilectrices.
 Vester Ego sum, & ero,
 Quem amastis corde vero,
 Me sponsum osculamini.
 Ad hanc vocem ô Athletæ,
 Lætas aures adhibete,
 Quid decantet peraudite,
 Et post Agnum mitem ite:
 Novis Nolis decoratæ,
 Post dilectum ambulate,
 Cantantes cum tripudio.
 Gloria Patri & Filio &c. Si-
 cut &c.

ANTIPHONA.

O Castitate phaleratæ, hu-

C 3

mi-

militate coronatæ, patientiâ
adornatæ, virtutum floribus
fulcitæ, temperantiâ politæ !
ô pretiosæ Margaritæ, atque
Virgines exquisitæ, in horâ
mortis subvenite.

℣. Lætamini & exultate ju-
sti.

℞. Et gloriamini omnes re-
cti corde.

O R E M V S.

OMnipotens sempiterne
Deus, qui infirma mun-
di eligis, ut fortia quæquæ
confundas : Concede pro-
pitius, ut qui sanctarum Vir-
ginum, & Martyrum memo-
riam agimus, à cunctis ma-
lis

lis imminentibus , earum intercessionibus liberemur. Per Dominum nostrum &c.

Domine exaudi &c. Et clamor &c. Benedicamus &c. Deo gratias. Fidelium animæ &c.

AD VESPERAS.

DEUS in adiutorium &c.
Gloria Patri &c. Alle.

HYMNVS.

Eja modo jubilemus,
Laudem Deo decantemus ;

Quia mundo nos protexit,
Et de mundo nos transue-
xit ,

C 4

Nos

Nos de terris adunavit,
 Et in cœlis coronavit,
 Nos implens omni gaudio.
 Exultemus , & lætemur,
 Et cum Agno jucunde-
 mur,
 Delectemur , epulemur,
 Novo cantu modulemur ;
 Hic est annus Jubilæus,
 O quam dulcis es ô Deus !
 Post te ardentè currimus.
 Æstuantès præ amore,
 Nos consperge dulci rore,
 Sponse noster prædilecte,
 Trahe nos post te directè,
 Te sitimus , Te sentimus,
 In cor tuum omnes imus,
 De vena vitæ bibimus.

In

In te omnes commoramur,
Te in nobis complexamur,
Quem amantes inflamma-
mur,

Et non satis admiramur,
Quod de te non satiamur,
Excedis enim omnia.

Tibi laudem cum MARIA,
Quæ nos duxit in hac viâ,
Noſtro damus Salvatori,
Pro quo fuit dulce mori ;
Qui amasti, qui juvisti,
Qui ad Te nos pertraxisti,
Tibi Laus & Gloria.

Gloria Patri & Filio &c. Si-
cut erat &c.

ANTIPHONA.

Lux orta est in Britanniâ
C 5 dum

dum Angelorum Socia URSULA generatur, quæ filium Regis Anglicorum, traxit ad fidem Christianorum, quam Turma Virginum comitatur.

℣. Ora pro nobis B. URSULA cum tua Virginali Collegio.

℞. Ut digni efficiamur promissionibus Christi.

OREMVS.

DEus qui dignè tibi sacratissimis Virginibus mirandi agonis robur indidisti, quo per Martyrij Palmam ad supernæ Contemplationis pertingerent gloriam: Da nobis quæ-

quæsumus earum intercessionibus adjuvari, quas transcenso mortis stadio in Cælestibus fecisti triumphare. Per Dominum nostrum &c.

Domine exaudi &c. Et clamor &c. Benedicamus &c.
D E O gratias. Fidelium animæ &c.

AD COMPLETORIUM.

Convertat nos Dominus placatus precibus B. MARIÆ Virginis & Ss. URSULÆ, & Sociarum Virginum Martyrum.

Et avertat iram suam à nobis.

C 6

DEUS

DEUS in adiutorium &c.
Gloria Patri &c. Alle.

H Y M N V S.

O Insignes Sponsæ DEI
Mementote quæso mei,
Non fit vobis hoc indignum,
Paupertatis meæ signum.
Et hoc Vobis Carmen charum,
Quamvis parvum, quamvis parum,
Feratis cum lætitiâ.
O præclaræ Vos Puellæ,
Nunc implete meum velle:
Et dum mortis venit hora,
Subvenite sine morâ.

In

In tam gravi tempestate,
 Me præsentēs defensate
 A dæmonum instantiâ.
 Nulla vestrum ibi desit,
 Virgo Mater prima præsit.
 Si quæ mihi fax inhæsit,
 Quæ me suâ labe læsit:
 Vestra prece procul fiat,
 Vos præsentēs hostis sciat,
 Et se confusum doleat.
 Quid quid unquam feci mali,
 Vestro flore Virginali,
 O Puellæ palliate,
 Et me Deo præsentate,
 Coram Deo mecum state,
 Causam meam defensate,
 Ne draco locum habeat.
 Gloria Patri & Filio &c.

A N-

A N T I P H O N A.

Voce cordis & oris, in laudem summi Redemptoris, confurgat omnis Fidelis, cuius mediante gratiâ, sanctarum undecim millium Virginum Turma, facto clamore, horâ Matutinâ exivit obviam Christo Sponso, qui sedet super Cherubim, cuncta videns in absconso, ferens sertum rosæ, & lilij, cum triumpho Martyrij, evasit minas tortorum. O Beata Virginum Turma, ora pro creatibus supplicum tuorum.

✠. In Christo dormiamus.

R. Vt

Rx. Vt cum sacris Virginibus
resurgere mereamur.

O R E M V S.

OMnipotens sempiterne
DEus, qui has sacratissimas undecim mille Virgines, dum aurora nocti finem daret, ad thalamum dilecti Filij tui Sponsi ipsarum, cælestibus spiritibus comitantibus introduxisti, stolâ quoque immortalitatis, ac lætitiâ inenarrabili circumdedisti; Tribue nobis meritis, & Intercessionibus earum, quatenus in fine vitæ nostræ spiritus noster ad Regnum cæleste ducatu


tu ipsarum perveniat , ubi
te sine fine laudare , & per-
frui mereatur. Per eundem
Dominum nostrum &c.

Domine exaudi &c. Et cla-
mor &c. Benedicamus &c.
DEO gratias. Fidelium &c.

O B L A T I O.

HAS horas Canonicas cum
attentione , dixi sancta
V R S V L A Tui ratione,
ut sis mihi præsens mortis in
agone , ac vivamus simul
in Cœli regione ,
Amen.





L Y T A N I Æ

U R S U L A N Æ

P R O

F E L I C I M O R T E .

K Yrie eleyson ,
Christe eleyson ,

Kyrie eleyson .

Pater de Cœlis D E U S . Mi-
serere nobis .

Fili Redemptor Mundi D E U S .
Miserere nobis .

Spiritus Sancte D E U S . Mi-
serere nobis .

Sancta T R I N I T A S unus
D E U S . Miserere nobis .

San-

Sancta MARIA Virgo Virgi-
num. Ora pro nobis,
S. Michaël Ductor ad Cœ-
lum S. VRSULÆ. ora pro
nobis.

Ss. Angeli Metatores, & De-
fensores Ss. Virginum.
orate pro nobis.

S. Joannes Comes & Custos
S. VRSULÆ, & S. Æthe-
rij. ora pro nobis.

Ss. Apostoli Patroni Ss. Vir-
ginum. orate pro nobis.

Ss. Virgines Comites earum,
& Adjutrices. orate pro
nobis.

S. Cyriace. ora pro nobis.

S. Jacobe. ora pro nobis.

S. Mar-

S. Marce,
 S. Marine,
 S. Simpli
 S. Ponti,
 S. Vincenti,
 S. Polimi,
 S. Corimi,
 S. Pantule,
 S. Maurise,
 S. Foilane,
 S. Cæfari,
 S. Jovine,
 S. Vrfmare,
 S. Columbane,
 S. Ivvane,
 S. Eleutheri,
 S. Lothari,
 S. Clemens,

Ora pro nobis.

s. Gor-

S. Gorgoni, ora pro nobis.
 S. Pastelasi, ora pro nobis.
 S. Permeri, ora pro nobis.
 S. Mallusi. ora pro nobis.

Omnes Ss. Pontifices & Do-
 ctiores. orate pro nobis.

S. Quirille, }
 S. Valeri, } *Sacerdotes.*
 S. Firmine. }

S. Florenti, }
 S. Calixte, } *Diaconi.*
 S. Kiliane. }

S. Claudii, }
 S. Ambrosii, } *Subdiaconi.*
 S. Justine, }
 S. Christiane }

Ora pro nobis.

Omnes Ss. Sacerdotes & Le-
 vitæ. orate pro nobis.
 s. Æthe-

S. Ætheri.
 S. DAGOBERTE,
 S. Dionethe,
 S. Oliveri,
 S. Crophore,
 S. Luci,
 s. Clodovee,
 S. Canute,
 S. Pipine,
 S. Adolphe,
 S. Avite,
 S. Sirane,
 S. Refride,
 S. Bonifaci
 S. Laurenti,
 S. Papuni,
 S. Pigmeni,
 S. Valeri,

Reges.

Ora pro nobis.

s. Ame-

S. Amere ,

S. Theodore ,

S. Magne ,

s. Sibalde ,

s. Machari ,

s. Evodi ,

s. Sichere ,

s. Urbane ,

s. Philippe ,

s. Leo ,

s. Sincere ,

s. Heluidi ,

s. Eustachi ,

s. Harderice ,

s. Adriane ,

Reges.

Duces.

Ora pro nobis.

Omnes S. Martyres.
pro nobis.

Orate

s. Vr-

s. URSULA,	} <i>Princi-</i> <i>pes.</i>	} ora pro nobis.
s. Pinnosa,		
s. Cordula,		
s. Eleutheria,		
s. Florentia,		
s. Jotha cum mille Virgini-		
bus tuis. Orate pro nobis.		
s. Benigna cum mille Virgi-		
nibus tuis. Orate pro nob.		
s. Clementia cum mille Vir-		
ginibus tuis. Orate.		
s. Sapientia cum mille Virgi-		
nibus tuis. Orate.		
s. Carpophora cum mille		
Virginibus tuis. Orate.		
s. Columba cum mille Virgi-		
nibus tuis. Orate		
s. Benedicta cum mille Virgi-		
nibus tuis. Orate. s.		

s. Odilia cum mille Virgini-
bus tuis. Orate.

s. Chelindris cum mille Vir-
ginibus tuis. Orate.

s. Sibilia cum mille Virgini-
bus tuis. Orate.

s. Lucia cum mille Virgini-
bus tuis. Orate.

s. EUPHROSYNA.

s. Oliva ,

s. Florentina ,

s. Cunera ,

s. Verena ,

s. Natalia ,

s. Nestoria ,

s. Dorothea ,

s. Eleutheria ,

s. Aleidis ,

Ora pro nobis.

s. Con-

s. Constantia, ora pro nobis.

s. Anastasia. ora pro nobis.

Ss. Albina, & Emerentiana,
orate pro nobis.

Ss. Cleomatha, Theomata,
& Christantia. orate.

Ss. Florina, Lucretia, & Fron-
demia. orate.

Omnes Ss. Virgines Marty-
res. orate.

s. Demetria,

s. Gerasina,

s. Axpara,

s. Alexandria,

s. Eulalia,

s. Elisabetha.

} Ora pro nobis.

Omnes Ss. Viduæ Martyres.

Orate pro nobis.

D

s. Da-

s. Daria ,
 s. Cleopatra ,
 s. Blandina,
 s. Balbina,
 s. Margaritha,
 s. Dionysia,
 s. Sibila,
 s. Refindis ,
 s. Euphrosina,
 s. Nicolitta ,
 s. Eugenia ,
 s. Theodora ,
 s. Anchira ,
 s. Juliana.

Ora pro nobis.

Omnes Ss. Maritatae Marty-
 res.

Orate pro nobis.

s. Lucia,

ora pro nobis.

s. Placida ,

ora pro nobis.

s. Ger.

s. Gerburgis , ora pro nobis.

s. Bertha , ora pro nobis.

s. Helena. ora pro nobis.

Omnes Ss. Puellæ , & Inno-
centes Martyres. Orate.

s. Aurelia ,	} Ora pro nobis.
s. Christiana ,	
s. Mechtundis ,	
s. Wibrandis ,	
s. Cunegundis ,	
s. Mittbetta.	

Omnes Ss. Virgines. Orate.

Omnes sancti & sanctæ So-
cietatis URSULANÆ. orate.

Propitius esto. Parce nobis
Domine.

Ab omni malo. Libera nos
Domine.

Ab omni peccato.
 Ab insidijs diaboli.
 A spiritu fornicationis.
 Per electas Virgines
 tuas,
 Per peregrinationis la-
 bores.
 Per tormenta Martyrij.
 Per merita & interces-
 sionem omnium.
 Peccatores.
 Vt nobis parcas.
 Vt mundum, carnem,
 & dæmonem viriliter
 superemus.
 Vt prospera mundi de-
 spicientes, nullis ejus
 adversis succumbamus.

Libera nos Domine. Te rogamus audi nos.

Vt

Vt amore cælestium om-
nia terrena contem-
namus.

Vt omnis nostra conver-
satio sit in cœlis.

Vt animæ puritatem , &
corporis Castitatem
conseruemus.

Vt amore D E I , proxi-
miq̃ue semper augea-
mur.

Vt vanum hominum, &
mundi timorem supe-
remus.

Vt in fide constantes , &
in Dei seruitio perse-
veremus.

Vt in horâ mortis Ss.

D 3

Vir.

Te rogamus audi nos.

Virginum præsidio,
solatioque muniamur.
Vt animabus Fidelium
Defunctorum, per ip-
sarum merita Re-
quiem æternam largi-
ri digneris.
Vt post mortem earum
suffragijs à Purgato-
rij flammis liberemur.
JESU Fili D E I , & MA-
R I Æ , sponse sancta-
rum Virginum.

Te rogamus audi nos.

Agnus D E I qui tollis pec-
cata mundi. Parce nobis
Domine.

Agnus D E I qui tollis pec-
cata

cata mundi. Exaudi nos
Domine.

Agnus DEI qui tollis pec-
cata mundi. Misere re no-
bis.

Christe audi nos.

Christe exaudi nos.

Kyrie eleyson.

Christe eleyson.

Kyrie eleyson.

Pater noster. Ave Maria.

Postea dic sequentem

Hymnum.

O Præclaræ vos Puellæ,
Nunc implete meum
velle

Et dum mortis venit hora
Subvenite sine morâ

D 4

In

In tam gravi tempestate
 Me præsentes defensate
 A dæmonum instantiâ.
 Nulla vestrum ibi desit,
 Virgo Mater prima præsit;
 Si quæ mihi fæx inhæsit,
 Quæ me suâ labe læsit,
 Vestrâ prece procul fiat,
 Vos præsentes hostis sciat,
 Et se confusum doleat.
 Quid quid unquam feci mali,
 Vestro flore Virginali
 O Puellæ palliate,
 Et me Deo præsentate
 Coram Deo mecum state
 Causam meam defensate
 Ne draco locum habeat.
 Amen.

Deinde

Deinde adde Antiphonam sequentem.

O Virgo Regina Virginum, summum Trinitatis Sacrarium, Angelorum Speculum, Schala sanctorum omnium, tutum peccatorum Refugium; in morte tuum placatum nobis ostende Filium, & tuum vultum gloriosum.

℣. In Christo dormiamus.

℞. Vt cum Ss. Virginibus resurgere mereamur.

O R E M V S.

O Mnipotens sempiterne Deus, qui has sacratissimas undecim mille Virgines,

nes, dum aurora nocti finem daret, ad thalamum dilecti Filij tui Sponsi ipsarum, cælestibus Spiritibus comitantibus, introduxisti; stolâ quoque Immortalitatis, ac lætitiâ inenarrabili circumdedisti: Tribue nobis, meritis, ac intercessionibus earum, quatenus in fine vitæ nostræ spiritus noster ad regnum cæleste ducatu ipsarum perveniat, ubi te sine fine laudare, & perfrui mereatur. Per eundem &c. Fidelium animæ per misericordiam DEI requiescant in pace, Amen.

O R I-

ORIGO ORATIONIS UL-
timæ , ad Beatam Vir-
ginem.

Nota Lector Amice, & Cul-
tor sanctissimæ MARIAE
Virginis , undecim mil-
lium Virginum.

PRÆDICTAM ANTIPHONAM.

○ Virgo Regina Virgi-
num &c. dictatum fuisse
Heinrico Carthusiano Co-
loniensi Religioso à sanctâ
quadam Virgine ex undenis
Ss. Virginum millibus , quæ
illi quodam vespere appa-
ruit , eumque instruxit , &
admonuit nomine Socia-
rum

rum suarum , & S. VRSULÆ
 ductrices suæ , quas omnes
 ut suas apud D E U M Patro-
 nas, post D E I param eximiè
 jam diu colebat , quotidie,
 dum viveret , D E I Matrem
 salutaret , præfatâ formulâ,
 Salutatione , ac Antiphona.
 Ei deindè promittens , non
 solum D E I Parentem illi fo-
 re propitiam ; sed apud om-
 nes etiam Socias Amorem,
 & opem promptissimam eum
 consecuturum ; Si quidem
 assiduum se in usurpandâ illâ
 prece præstaret ; Quam ille
 minimè negligendam ratus,
 cum sibi per aliquot menses,
 qui

qui de vitâ illi supererant, familiarē reddidisset, eâ quotidie usus ; Gloriosa illi Virgo , & Martyr VRSULANA denuo adfuit , cum morti jam vicinus esset, eique cum undenis Sociarum millibus cæleste carmen accinuit, quæ omnes eo cælestium vocum concentu ipsum sunt ad siderum , Beatæque vitæ domicilium profecutæ. Ita

Chronicum Carthusianum Petræi , lib. 5.

cap. 10.



E

EPI-

EPILOGVS AD PIVM
Lectorem.

SÆpè igitur, Candide Le-
ctor, hac ergo DEI Ma-
trem salutatione utere, quam
quoties recitare debeas, tuo
arbitrio rem permitto :
Quotidie eandem recitavit
Heinricus : quidni & tu ? Si
tibi curæ maximæ sit felix, &
iucundus ex hac vita morta-
li, ad Immortalem transitus ?
Quod ad fructum, ac felici-
tatem pertinet, quam indè
consequêris, pro DEI, ac
Bonitatis Matre tibi, cum eâ-
dem Sacrà URSULANA Vir-
gine

gine spondeo : Non solum Matrem Virginem tibi fore propitiam, sed apud omnes etiam Socias Virgines undecim mille amorem, & opem promptissimam te consecuturum, si quidem assiduum te in usurpandâ hac prece præstiteris. Vale & ora pro te, & me.

Lytaniæ autem præfatæ sumptæ sunt ex Vindicijs VRSULANIS Rev. P. Hermannii Crombachij è Societate Jesu ; quibus hunc præfigit titulum. *Lytaniæ Vrsulanæ, pro felici morte.* Et mox addit. *Nulla Sodalitas tot illustres omnis status, ætatis, conditionis, sexus,*

& nationis nominatos Ecclesiæ protulit Sanctos , quot Vrsulana : Qui commodè possunt in varias , Lytaniarum more , distribui classes, harum ideam propono , cuilibet eam licebit ad gustum suum augere, minuere , corrigere ; prout placebit excerpere patriæ , status , & conditionis suæ Patronos , quos invocet , & imitetur. Sic & tibi concessum est , & facito uti voles. Si forsan una , alteraque ex his Ss. Virginibus tibi magis cordi sit, cujus nomen non sit in his Lytanijs insertum , illam suæ classi inferere poteris, & tot quidem, quot amas , & colis. Idem
ju-

judicium esto de ijs , quarum
Ss. Ossa , aut Reliquiæ co-
luntur , asservantur in Eccle-
siâ aliquâ , & illarum nomi-
na hic desiderantur. Non
enim omnium Sodalium Ly-
taniæ huic indita sunt voca-
bula , sed præcipuarum tan-
tum, alias nimis longa futura
fuisset , Oratoriq̃ue molesta,
& gravis. Itaq̃ue adde, au-
ge , minue , & corrige prout
placuerit , & scito te non sa-
tis agere posse dignum ali-
quid tantis Virginibus , quin
magis magisq̃ue , incendaris,
ut majora quæq̃ue audeas :
& cogita te nunquam satis

fecisse, quantumcunque feceris.

QVÆSTIO DE ORATIONE
Dom. & Salutat. Angel. undecies
quotidie recitanda ad honor:
Ss. Virg. Vrsul:

DEmum huic Opusculo inferere placuit necessariam, & valdè utilem quæstionem illam Crombachij. *An superstitiosum sit, recitatâ quotidie undecies Oratione Dominicâ, & Salutatione Angelica, sperare Ss. Virginum in morte præsidium. Qui satisfacit sequenti discursu breviter. Dici vix potest,*

test, quam sæpè Religionis
honesto tectæ pallio vanæ
superstitiones irrepsferint :
ideo jure Theologi nume-
rum omnem suspectum ha-
bent, nisi certo mysterio, vel
manifesta causa stabiliatur :
præsertim cum aliquorum
persuasio vi solius numeri
tribuit eventum rei minimè
dubium. Vndè nemo sani
judicii liberabit eum super-
stitione, qui huic præcisè
quotidianæ precationi tan-
tum tribueret, ut crederet
feri non posse, ut talis mor-
te malâ defungeretur &c.
Verè Suarez ait. *Licet, seclu-*

sã omni superstitione , sanctum & Religiosum sit , Reliquias Sancto- rum ad collum suspensas deferre ; vel Evangelium , v. g. initium S. Ioannis in pectore scriptum portare ; & similia bona fide sperando per modum impetrationis peculiarem DEI protectionem , & Sanctorum intercessionem ; nihilominus id tanquam omnino certum sperare, non minus , quam si esset à DEO promissum, non caret superstitione, si non falsi cultus , saltem superflui : & præterea ibi intervenire potest DEI tentatio, si ob eam confidentiam nimiam temere se homo periculis exponat. Sic Suarez lib.

2. de

2. de superstitione cap. 15.
n. 10.

Rectè tamen Sanctorum quidam pro certis à Deo beneficijs obtinendis invocantur , non tantum ut morbi depellantur ; sed etiam ut in mortis articulo , & periculo nobis cæleste præsidium exhibeatur : nec tunc reprehendendi sunt , qui preces definito numero , vel ob mysterij cujusdam memoriam , vel aliâ piâ , & rationi consentaneâ causâ consueverunt fundere. Hoc pacto laudat hunc ipsum , de quo disputamus ritum co-

E s lendi

lendi Virgines Vrsulanas Sanchez dicens. *Non tamen damnatur certus Missarum, aut candelarum numerus in memoriam alicujus mysterij: ut 12. in honorem 12. Apostolorum, undecim in honorem undecim millium Virginum: Dummodo non illi numero certo, fidatur, ut nec augere, nec minuire licitum, & utile futurum existimetur, sed is numerus in ejus mysterij honorem, ac memoriam retineatur.* Taliter Sanchez lib. 2. Operis Moralis: c. 40. n. 40.

Gratum igitur sanctis Virginitatibus præstat obsequium,
qui

qui undecies quotidie Orationem Dominicam, & salutationem Angelicam ad earum honorem recitarit; dummodo non ingratum ijsdem fore arbitretur, si precationem unam Dominicam adijciat quandoque, five ad S. **VRSLÆ**, five aliorum etiam Martyrum honorem, qui extra Virgines eodem loco, & tempore occubuerunt. Cum enim is numerus ideo sit institutus, ut certo temporis spatio Virgines singula semel saltem salutentur, & invocentur; augere quotidie licet numerum, ut suus singulis

lis honor citius habeatur :
Minuere autem non convenit , ne is vel differatur nimium , vel aliqua de eadem Sodalitate non salutata prætereatur.

Piè jam pridem in VRSULANA Sodalitate Coloniensi receptus est certus hic precum numerus , eoque fine quotidie statò penso persolvitur , ut speratum in mortis agone præsidium : quod alijs suis Clientibus Ss. VRSULA cum Sodalibus suis , tunc etiam (videlicet in morte) adspectabili quandoque formâ exhibuit. Ab Virgini-
bus

bus ergo hisce VRSULANIS
in tali descrimine per has pre-
ces subsidium invocare non
dedignemur ; dummodo illis
precibus nixa fiducia certa,
talis favoris , ac patrociniij,
quavis etiam in vita flagitiosa
non oriatur. Malis , enim
hic favor VRSULANUS haud
obtinget , nisi sese ad frugem
meliozem traduxerint. Ex-
empla sequentia duo accipi-
to, quæis probatur præsentia
Ss. Virginum in mortis ago-
ne. Primum narrat Tilman-
nus Bredenbachius his-
ce verbis.

MIRACULA VRSVLANA

DE

PRAEDICTA ORATIONE.

Civis quidam, alias vitæ solutioris, ubi melioris cæpit exordium, jam frugi factus itabat quotidie ad Ss. Virginum Basilicam, ut suas illic preces religiosè funderet: quam si clausam reperiret, in porticu ejusdem solita pietatis exercitia perficiebat. Hic cum ad extrema devenisset, & Farochus Sacramentis Ecclesiasticis ægrum muniturus accessisset: puella quædam cum Sodalibus suis in viciniâ egrotantis viri confidens, dum ac-
pin-

pingeret , videt reginam miro decore , & pulchritudine subsequen-
tium Virginum comitatu , domum
ingredi morientis , & Paulo post
indè egredi , cæteris hujus puellæ
Sodalibus nihil horum videntibus.
Moxq̃ compertum virum illum eo
momento defunctum esse ; qui ut
vivens sacrum illum Virginalem
exercitum religiosè honoravit, ita
suffragium moriens persentire me-
ruit. Ita Bredenbachius Col-
lat. Sacrar. l. 4. c. 27.

Alterum narrant Antiqui Scripto-
res varij , & in his Iacobus de Vo-
ragine. Nempè Cænobitam quem-
dam, cum magna Religione coleret,
unde-

undecim millia Virginum, & ad-
versa pulsatus valetudine decum-
beret, Virginem aliquam ad mira-
culum splendidam vigilantem astitis-
se, & affirmasse unam se esse de
cætu undecim millium, quas toties
supplex veneraretur; manere ope-
ris tam p̃ij mercedem perpetuam:
pergeret sanè, & si in mortis etiam
articulo tot millium optaret fulciri
præsidio, fruiq; præsentis solatio,
spondit fore Voti compotem,
dummodo Virgines singulas unâ Do-
minicâ prece, & Salutatione An-
gelicâ veneraretur. Paruit salu-
bri consilio Religiosus: atq; ut fi-
des promissioni haberetur, protinus
visum illud constans corporis & fir-
ma

ma valetudo est consecuta. Ille
 pensum promissum sæpè piè & in-
 tegrè exequitur, fructu uberrimo
 quem collegit moriturus. Dum
 enim ætate decrepitus, senio potius
 quam morbo ad extrema devenisset,
 & oleo sacro præpararetur ad su-
 premam luctam; voce contentâ
 jussit exesse præsentés, & locum
 cedere sacris Virginibus adventan-
 tibus. Mirari voces insolitas Ab-
 bas, morienti mandat, edicat,
 quid sibi tali clamore velit? & quæ-
 nam illæ Virgines? Obsequitur Cæ-
 nobita Prælati mandato: exponit
 multis antè annis promissionem sibi
 à Virginibus VRSVLANIS factam,
 certi in morte præsidij, si proposi-
 tum

tum pensum persolveret eis in vita,
quod quoniam integrè vivus ipsis
explevisset ; ex pacto venisse Vir-
gines , suam vicissim ut fidem ei
servarent datam : jamq̃ se ab
ipsis ad gaudia cœlestia invita-
tum , eo tam numeroso stipatum
Parthenio comitatu properare.
Quibus dictis ut loquendi , sic & vi-
vendi finem fecit ; exordium vero vi-
tæ beatioris , ad quam summâ ani-
mi voluptate , tam solemni pompâ,
pro tam vili obsequio deducebatur.
Hæc illi.

Perfrui cupis harum sacrarum
Virginum præsentia in morte tuâ ?
vade , & tu fac similiter. Quis
scit

scit an non & tibi fiat, quod huic
cenobitæ factum? si & tu feceris
quod ille fecit. Quod etsi hæc gra-
tia forsitan tibi non accidat, felix ta-
men hinc emigrabis, cum DEVS tot
millium Virginum sibi charissima-
rum sponsarum preces pro te apud
ipsum frustas irritas esse haud pa-
tiatur. Omnes ergo in communi
sanctissima earum patrocinia humil-
limè flagitemus, ut quia ad socialem
cum illis gloriam aspirare non aude-
mus, nec possumus: tamen quia in
Domo Patris mansiones multæ sunt,
earum meritis patrocinantibus, in
cælesti Ierusalem, vel novissimæ scr-
tis municipatum capiamus: præstan-
te Domino nostro IESV Christo, qui
cum

*cum Patre & Spiritu sancto vivit,
& gloriatur DEVS in sæcula sæcu-
lorum, Cui & gloria & honor
in perpetuas æternitates.*

Amen.

CALCULO S. ECCLESIAE
catholicæ apostolicæ cun-
cta subiecta fun-
to.





Ursula, Heilige

Sancta Ursula Regina undecim millium virginum

S.l. [1680]

Asc. 5136

urn:nbn:de:bvb:12-bsb10268857-3

VD17 12:104970W